

# DE CYSTOCELE INGUINALI.

## T H E S E S

### ANATOMICO-CHIRURGICÆ;

QUAS, DEO JUVANTE, & Præfide M. PETRO SUE,  
 Juniore, Collegii antiquo Præposito, Academiæ Regiæ Chirur-  
 gicæ Confiliario, in generali Parisiensi præfecturâ Chirurgo  
 ordinario, antiquo in Scholis-præcticis Anatomiae & Chirurgiæ  
 Professore, Academiarum Monspelliensis, Rothomagensis,  
 Divionensis, Lugdunensis, Burdigalensis Socio, tueri cona-  
 bitur JOANNES-BAPTISTA-CLAUDIUS BERTHOLET,  
 Parisinus, Artium Liberalium in almâ Parisiensi Universitate  
 Magister, Theseos Auctor.

Die primâ Mensis Augusti, anno reparatæ Salutis 1778, à sesqui-  
 secundâ post meridiem ad septimam.

P A R I S I I S,

IN REGIIS CHIRURGORUM SCHOLIS;

PRO ACTU PUBLICO

E T

MAGISTERII LAUREA.



P A R I S I I S,

Typis MICHAELIS LAMBERT, Regii Chirurgiæ Collegii  
 necnon Academiæ Typographi, viâ Cithareâ.

---

M. DCC. LXXVIII.

THE UNIVERSITY OF CHICAGO

LIBRARY

ANATOMICAL-MUSEUM

THE UNIVERSITY OF CHICAGO  
LIBRARY  
ANATOMICAL-MUSEUM  
CHICAGO, ILL.  
1892

THE UNIVERSITY OF CHICAGO

LIBRARY

ANATOMICAL-MUSEUM

CHICAGO, ILL.

1892

THE UNIVERSITY OF CHICAGO

LIBRARY

ANATOMICAL-MUSEUM

CHICAGO, ILL.

1892

THE UNIVERSITY OF CHICAGO

LIBRARY

ANATOMICAL-MUSEUM

CHICAGO, ILL.

1892





D. O. M.

---

*T H E S E S*  
ANATOMICO-CHIRURGICÆ.

---

*DE CYSTOCELE INGUINALI.*

**V**ESICÆ urinariæ hernia veteribus ignota, à recentioribus detecta (1), quàm plurimis (2) observationibus ità nunc confirmatur, tamque certis stabilitur fundamentis, ut nemo nisi Chi-

---

(1) *M. Mery*, Comment. Acad. Reg. Scient. ann. 1713. *M. Petit*, in iisdem 1717. *MM. le Dran, Garangeot, la Faye*, Op. Chir. *J. P. Divoux*, Diss. Med.-Chir. de vesicæ urinariæ herniâ, præside *Salzmänn*, 1732. *Heist. & Platner* Inst. Chirurg.

(2) *Verdier*, Comment. Acad. R. Chir, Tom. II.



rurgiæ ignarus, de hujus existentia anceps hæere possit. Licet rara, non minus periculosa, siquidem sæpè, etiam acerbissima, eam exasperant accidentia, ægrum, ni solers adesset Chirurgi manus, ineluctabili letho traditura. Hujusce morbi causas, signa, symptomata, curationem evolvere & expromere hoc opus, hic labor est. Antea verò, pro antiquo & solemni Scholarum usu, de Vesicæ sede, structurâ, & ejusdem cum partibus vicinis respectu, notiones anatomicas paucis saltem verbis enucleare operæ præ-tium est.

## EX ANATOMIA.

VESSICA urinaria viscus est cavum, musculo-membranaceum, in pelvi situm, multo textu cellulari cum ossibus pubis cohærens, & apud homines in rectum intestinum, apud fæminas in uterum incumbens. Hujus fermè ovalis figura, pro sexu, ætate & plenitudinis gradu differt. Multiparis in mulieribus tetradum simulat: vacua, superius rotundior, repleta, latior inferius existit. Indè perfectum refert ovoïdem, in quo tres potissimum annotantur partes, nempe *cervix*, *corpus* & *fundum*. Pars superior & posterior, peritonei expansione adumbrata, <sup>corpus</sup> ~~cervix~~; pars inferior & anterior instar <sup>al.</sup> caniculi coarctata, collum; pars tandem posterior & inferior fundum nuncupatur.

Iisdem ferè ac ventriculus gaudet tunicis vesica, quarum una externa *musculosa*, secunda *nervea*, tertia *villosa* vocantur. Musculosa seu carnosa fibris contractilibus, pallidis, diversi-modè decussatis componitur. Omnes hæ fibræ, tum longitudinales, tum obliquæ, in varios lacertos per cellulositatem reticulatim ordinatæ, ab imo vesicæ fundo discedunt, versùs latera progrediuntur, & ad cervicem terminantur. Harum contractio vesicam deprimens, ad fundum urinam depellit. Aliæ sunt adhuc fibræ quæ in stratis tum parallelis, tum transversis sine ullo vix ordine contextæ, priorum intervalla replent & me-



diante textu cellulari, cum nerveâ tunicâ connectuntur. Hæc à quibusdam negata, alba, crassa, firma, eximium vesicæ sensum constituit. Subest interna seu villosa membrana, leviter granosa, villis brevissimè eminentibus, & variis rugis complicata; ad minuendum acris lotii sensum mucilaginosâ lymphâ continuò irroratur. Infimam versùs hujus visceris partem, triangularis perspicitur areola, levis, densa, exquisitè sensilis, *trigonus* dicta, in quâ tria patefcunt foramina, quorum posteriora duo ac penè conniventia ureterum sunt orificia, antèrius verò urethram efformat. Cum intestino recto, vesiculis feminalibus & prostaticâ apud viros, cum utero apud fœminas, & in utroque sexu cum ossibus pubis diversimodè annectitur vesica. Et 1<sup>o</sup>. quidem in ejus apice ligamentosus conspicitur *funiculus*, in fœtu cavus, in adulto plenus, cum arteriarum umbilicalium extremitatibus ad umbilicum usquè ascendens, proprium & superius vesicæ ligamentum formans: urachum appellant. 2<sup>o</sup>. In parte posteriori, duo lateralia ligamenta à duplicatione peritonei corpus vesicæ tegentis orta, in infantibus magis quàm in adultis apparent. 3<sup>o</sup>. Deniquè pars anterior vesicæ, multo textu cellulari duobusque fasciculis, ossibus pubis alligatur.

Sanguiferis continuò irrigatur vesica vasis, quorum arteriæ ab hypogastricis & umbilicalibus suppeditantur. Venarum eadem sunt nomina, eademque distributiones. Nervi à cruralibus, à sacris & ab inferiori plexu mesenterico procedunt.

Jam satis hæc essent de Anatomia, ni partium per quas prolabi potest vesica, delineationem necessariam hîc esse judicemus. Hæ partes sunt ovale foramen, vagina, præsertimque musculi abdominales, quorum quinque pares; eâ parte præsertim herniis favent, quâ sunt perforati, nempe *annulo umbilicali*, *arcu crurali*, tertio tandem impropriè dicto *annulo*, semi-ovalis figuræ, à musculi obliqui appendicibus, *columnis* dictis, constructo. In supernam & infernam distinctæ, ex uno latere in al-



terum progressæ , crucis in modum sese decussant hæ columnæ , ossibusque pubis firmiter annectuntur.

## EX CHIRURGIA.

TUMOR à vesicâ efformatus , initio parvus , sensim ac sine sensu crescens , tensus atque renitens si adsit lotium , mollis verò si vesica sit vacua , cystocele dicitur. Majori donatur volumine post retentæ diù urinas ; iis autem emissis , decrescit aut ferè evanescit. Meiendi desiderium in ægro excitat hujus protuberantiæ levis compressio , dùm à validiori miçtio plena sequitur ; tumor tunc , idoneo corporis situ habito , jam nullus est. Huic affectui sociantur urinæ retentio , miçtio difficilis ac dolorifica , variaque symptomata & accidentia ex complicatione ortum ducentia. Sunt ægri qui nunquàm urinas emitterent , ni manibus admotis tumorem elearent ac premerent (1).

Varia , pro naturâ , pro sede , herniæ vesicæ imponuntur nomina. 1°. Quoad essentiam , *simplex* , *composita* , *complicata* vocatur ; 2°. Quoad sedem , quandò per annulos irripit , *inguinalis* , & tunc vel *incompleta* (2) , morantibus in inguine partibus , vel *completa* (3) , iis in scrotum delapsis , dicitur. Quandò sub arcubus cruralibus , *cruralis* (4) , quandò per laxatos perinæi , hypogastrii necnon vaginæ parietes , *perinaalis* (5) , *hypogastrica* (6) , *vaginalis* (7) nuncupatur.

Cystocelis causæ , communes sunt & propriæ : communes , vel internæ vel externæ , ad eas generatim reducuntur quæ fibras relaxant , earumque naturali constitutioni & tono debilitandis

---

(1) *Ruyfch* , *Observ. anat. Chir. Verdier* , *Mem. Acad. Chir. Observ. III.*

(2) *Verdier* , *Mem. Acad. Chir. Observ. I.*

(3) *Mery* , *Mem. Acad. Scient.* , 1713.

(4) *Mem. Chir. Observ. XI* , par M. *Levret*.

(5) *Mery* , *Ac. Sc.* 1713. -- *Curade* , *Mem. Ac. Ch. Observ. XIII.*

(6) *Ac. Ch. Observ. XIV* , par M. *le Dran*.

(7) *Ruyfch* , *Observ. anat. Chir. Obser. 1. Robert dans Verdier* , *Obs. XVIII.*



velificantur ; undè meritò inter priores accusanda veniunt humorum in corpore circulantium affluxus major , serum abundans , diæta pinguis , oleosorum abusus ; ad posteriores causas , violentos in luctâ & equitatione motus , cursus , coïtum effrenatum , casus ab alto , &c. referendos censemus. Speciales inter causas , prima ac præcipua est nimia vesicæ dilatatio , urinæ retentione & difficultate prægressis. Indè ejusdem flacciditas , atonia & contractionis sufficientis defectus ; indè vel ad utrumque (1) vel ad alterutrum latus aberratio & prolapsus. Peculiaris hujus visceris figura graviditatis tempore contingens , quo formam veluti brachiatam induit , & ab utero gravido ad ossa pubis lateraliter pressa deorsum expandi cogitur vesica , altera sit herniæ cysticæ causa. Tertia , tractio à visceribus aliis prolapsis (2) , ut ab intestinis , omento , utero , vaginâ , &c. è loco nativo dejectis , quod prorsus eò magis metuendum , quò laxiora sunt vincula vesicam alligantia. Hoc verò in hydropicis , phlegmaticis necnon in senibus haud rarò evenit. Parietum vaginæ per partum multiplicem distensio & debilitatio quæ , partibus atoniâ laborantibus , sufficienti sustentaculo vesicam defraudant , quarta & ultima cystocelis causa admittenda nobis videntur.

Hujus morbi signa quandoquè primâ specie errori (3) ansam præbere experienciâ constat ; horum enim fermè eadem est indoles (4) ac *hydroceles* & *bubonocels* , nempè diaphaneitas tumoris , fluctuatio , tensivus in regione dolor , renitentia , &c. Verè autem propria ac ferè Pathognomonica cystocelis signa , notabilis nempè dysuria , mictio laboriosa , mingendi etiam impossibilitas , ni tumorem comprimat æger , de jam enarratis facile statuenda. Si superveniat inflammatio , calor partis affectæ

---

(1) Mém. Chir. , Observ. X , M. de la Porte.

(2) Observ. IV & V. Verdier.

(3) Observ. VIII , M. Maurain.

(4) Mery , Acad. Sc. ann. 1713.



augetur, dolor exacerbatur, & febris major minorve accenditur. Sævit etiam singultus, ex celeb. *Petit* observatione, si hernia inflammata simplex sit, vomitum sequens, præcessurus verò si epiploceli aut enteroceli associatur.

Orificium partis herniosæ ità inflammatione sæpè sæpiùs clauditur, ut ex ipsâ in alteram vesicæ partem urinæ evacuationi non sit locus, & indè strangulatio necessariò succedat. Aliàs quamvis inflammetur orificium, ità tamen hiat ut, lotii ex uno in alterum loculum per pressionem expulsionem, via pateat. Præsente tunc inflammatione strangulatio exulat. Quid? si in cystocele contineantur calculi (1)? Aderunt tunc renitentia, vesicæ vacuitate tactui sensibilis strepitus, dolores tandem ab huiusce modi concretionibus excitati. Quandoquæ ità à calculo obturatur herniæ meatus, ut *obstructâ* saluetur, urinâ in tumore incarceratâ, cystocèle. In hoc herniæ inguinalis vel vaginalis calculosæ apparatu, salutiferum sit Lithotomia. Detectis per celotomiam partibus, calculus extrahatur, & deligato, ut in cæteris, vulnere, ne continuus per illud urinæ sit effluxus, tubulosi catheteris immisione ad vias solitas revocetur urina. Hâc enim in herniâ superstitè, ità stimulari possunt vesicæ parietes, ut, inflammatio licèt absit, eadem tamen ferè, ac in cystocèle inflammatâ, insequantur symptomata, nempe dolores, nausæ, singultus, &c. Hæc autem avertuntur, urinâ scroti superpressione catheterisque ope evacuâtâ, eâ vero lege ut statim ac vastiùs tumet vesica, ab ægro exoneretur.

Herniæ cysticæ nonnunquàm adesse adhærentias probant exempla; de harum tamen existentia plurimam injicit suspicionem cystocelis reductionis impossibilitas, nullâ ab aliâ causâ pendens; ad operationem tunc sine morâ confugiatur; sed antea in inguinali cystocèle notandum, saccum herniosum, in epiplocele &

---

(1) Vide *Verdier*, Mem. Acad. Ch. Observ. V. - *Beaumont*, idem Observ. VI. - *Petit*, Observ. VII. - *Thomas Bartholin*, Hist. anat.



enteroceles aliisque herniis partes emotas includentem, in hac ramicum specie deficere, aut in cystocele completâ ante vesicam duntaxat positum, nusquam eam involvere.

Variae variis curantur modis cystoceles, prout complicatio adest. Inguinalis curatio sic perficitur; interdictis ægro alimentis pinguibus, oleosis, necnon remediis diureticis, paucâ ipsi potius quantitate concessâ, meiendi necessitati licet frequentissimâ obtemperet, & quantum poterit, in latus herniæ oppositum incumbat. Quo in situ si mictio sit difficilis, clunibus elevatis, scroti pressio, situsque supinus ipsi ferent suppetias. Nonnumquam enim absque compressione in aliâ corporis positurâ impossibilis sequitur urinarum emissio; quo facto, si hernia super sit, è sordibus per clysterem liberetur intestinum rectum: partis herniosæ repositio tunc per taxim tentetur, eâ applicatâ encheiresi quæ in intestini vel omenti reductione usurpatur; quâ penitus impletâ, bracherio congruo, pilâ instructo convexâ, muniendus est annulus inguinalis; quando completa & reductionis impatiens cystocela, supponendum tunc subligaculum sacci formam habens, *suspenforium* vulgò dictum, è telâ factum paulò minori quàm protuberantiæ moles cavitate donatum, in dies, prout decrescit herniæ volumen, minuendâ & liquore astringenti ac roborante madefaciendâ. Paulatim annulum inguinalem attingit cystocela: suspenforio tunc necquicquam opus est: adhibendum duntaxat bracherium, pulvinari gaudens subconcavo, in planum dein, in convexum tandem mutando, quod foras eliminandum, quando nullum de perfectâ curatione remanebit dubium. Si circumpositis partibus vesica adhæreat, suspenforium vulgare applicetur; caveas autem ne pars aliqua vesicæ in protuberantiâ maneat ac comprimatur. Si verò pessima mali conditio, vel vesicæ adhæsiō, inflammatione sæviēte, ægrum trucidant, acu ad apicem tricuspidatâ (1) perforetur hernia, ut lotii exitus

(1) Mem. Ch. par Verdier, T. II, pag. 49.



obteneatur. Dein, venæ sectionibus plus minusve iteratis, emollientibus, resolventibus etiam adhibitis, inflammationi succuratur. Hisce auxiliis si cedere recusat, unica salutis anchora celotomia, ad quam Chirurgus citius sese accingere debet. Ægro igitur in margine lecti lateris herniæ proximo supino, elatis paulisper coxis, ministris collocatis, ex unâ tumoris parte dùm Chirurgus ex alterâ, cutim herniotomus elever, extensamque scalpello incidat, suspensâ manu Sectionem peragendo, ne vesica sacco orbatâ læsionem patiatur. Divisis tunc textûs cellularis lamellis, denudantur partes & annulus obliqui externi persentitur. Hujus ut operetur per incisionem amplitudo, specillum fulcatum, extremâ sui parte inter annulum & herniam huc & illuc leniter agitatam, primò immittit Chirurgus. Scalpellum dein per specilli fulcum versus os ileum dirigit, & ejus ope annuli tendine secato, aperturæ constrictionem aufert, partemque vesicæ herniosam in alvum repellit. Glomello è linteis carpris confiato, plumaceolis & spleniis vino calido madidis, fasciationeque *spicâ* dictâ accuratè contentis, deligatur vulnus. Cicatrice factâ, ut in bubonocèle, splenio & bracherio firmatur curatio; major verò occurrit difficultas in herniâ vetere, completâ, adhærentiis vel gangrænâ stipatâ; adhæSIONES enim si quæ deprehendantur, manu solerti cautè destruantur, aut potius, ut prudentius agatur, acu tricuspidadâ, ut jam diximus, malum tantummodò moderetur.

Quandò in gangrænâ abiit vesica, jam ad certam mortem trahitur æger, omnisque à Naturâ speranda salus, cùm ad tantam mali exacerbationem superandam, prorsus inutilia forent & incassum adhiberentur Artis auxilia.

*F I N I S.*